



張說之集卷第五




五言律詩

嶽州別王十一趙公入朝

昔濫貂蟬長同承雨露  
霏今叅魚鱉守望美  
洞庭歸浦樹懸秋影  
江雲燒落輝離魂似  
征旆恒往帝鄉飛

端州別高六

異壤同羈竄途中喜共過  
愁來時舉酒勞罷  
或長歌南海風潮壯  
西江瘴癘多於烏復分



手此別傷如何

南中別蔣五向青州

老親依北海賤子棄南荒有淚皆成血無聲  
不斷腸此中逢故友彼地送還鄉願為楓林  
葉隨君渡洛陽

南中別陳七李十

二年共遊處一旦各西東請君聊駐馬看我  
轉征蓬畫鷁愁南海離駒思北風何時侶春  
鴈覆入上林中

留贈張御史張判官

旅竄南方遠傳聞北使來鸞庭知玉樹合浦  
識珠胎白髮因愁改丹誠託夢迴皇恩若再  
造為憶不燃灰

贈高六

北極辭明代南溟宅放臣丹誠由義蓋白髮  
帶愁新鳥墜炎洲氣花飛洛水春平生歌舞  
席誰憶不歸人

贈廣平公宋大

亞相本時英歸來復國禎朝推長孺直野慕  
隱之情傳節還閩障皇恩入漢京寧思江上  
老歲晏惚無成

和魏僕射還鄉

富貴還鄉國光輝滿舊林秋風樹不靜君子  
歎何深故老空懸劍鄰交日散金衆芳搖落  
盡獨有歲寒心

和張監觀赦

日御臨雙闕天街儼百神雷將作解氣歲復

建寅春喜候開星驛歡聲發市人金環能作  
賦來入管絃新

和朱使欣道峽似巫山之作

江如曉天靜石似暮雲張征帆一流覽宛若  
巫山陽楚客思歸路秦人謫異鄉猿鳴孤月  
夜再使淚霑裳

和朱使二首

南土多爲寇西江盡畏途山行阻篁竹水宿  
礙萑蒲使越才應有征蠻力豈無空傳人贈

劍不見虎銜珠

江勢連山遠天涯此夜愁霜空極天靜寒月  
帶江流思起南征棹文高北望樓自憐如墜  
葉汎汎侶仙舟

寄天台司馬道士

世上求真客天台去不還傳聞有仙要夢寐  
在茲山朱闕青霞斷瑤堂紫月間何時枉飛  
鶴笙吹接人間

深渡驛

旅宿青山夜荒庭白露秋洞房懸月影高枕  
聽江流猿響寒巖樹螢飛古驛樓他鄉對搖  
落併覺起離憂

下江南向夔州

天明江霧歇洲浦棹歌來綠水逶迤去青山  
相向開城臨蜀帝祀雲接楚王臺舊知巫山  
上游子共徘徊

還至端州驛前與高六別處

舊館分江日悽然望落暉相逢傳旅舍臨別

換征衣昔記山川是今傷人代非往來皆此  
路生死不同歸

四月一日過江赴荊州

春色沅湘盡三年客始回夏雲隨北帆同日  
過江來水漫荊門出山平郢路開比肩羊叔  
子千載豈無才

相州北亭

人務南亭少風煙北院多山花迷徑路池水  
拂藤蘿萍散魚時躍林幽鳥任歌悠然白雲

意乘興抱琴過

荊州亭入朝

巫山雲雨峽湘水洞庭波九辯人猶擯三秋  
鴈始過旃裘吳地盡髻薦楚言多不果朝宗  
願其如江漢何

嶽州山城

山城豐日暇閉戶見天心東曠迎朝色西樓  
引夕陰書觀千載近學靜二毛深忽有南風  
至吹君堂上琴

奉和山城

郡館臨清掌閑局坐白雲訟虛堂戶曙觀靜  
竹簷曛懸榻迎賓下趨庭學禮聞風傳琴上  
意遙向日華紛

嶽州晚景

晚景寒鴉集秋聲海鴈歸水光浮日去霞彩  
映虹飛洲白蘆花吐園紅柿葉稀長沙卑暑  
地九月未成衣

庾信宅作

蘭城追宋玉舊宅偶詞人筆湧江山氣文驕  
雲雨神包胥非救楚隨會返留秦獨有東陽  
守來嗟古樹春

嶽州守歲

除夜清樽滿寒庭烽火多舞衣連臂拂醉坐  
合聲歌至樂都忘我真心自委和今年只如  
此來歲知如何

晦日

晦日嬾春淺江浦看湔衣道傍花欲合枝上

鳥猶稀共憶浮橋晚  
無人不醉歸寄書題此  
日鴈過洛陽飛

湘州九日城北亭子

西楚茱萸節淮南戲馬臺  
寧知洹水上復有菊花杯  
亭帳憑高出親游自遠來  
短歌將急景同使興情催

戲草樹

忽驚石榴樹遠出渡江來  
戲問芭蕉葉何愁心不開  
微霜拂宮桂淒吹掃庭槐  
榮盛更如

此慙君獨見哀

詠塵

仙浦生羅襪神京染素衣  
裨山期益峻照日幸增輝  
夕畔龍媒合朝遊鳳輦  
歸獨憐范甌下恩繞畫梁飛

道家四首奉勅撰

金壇啓曙闈直氣肅微微  
落月銜仙竇初霞拂羽衣  
香隨龍節下雲逐鳳簫飛  
暫往蓬萊戲千年始一歸



窈窕流精觀深沉紫翠庭金奩調上藥寶案  
讀仙經作賦看神雨乘槎辨客星祇應謝人  
俗輕舉託雲輶

金爐承道訣玉牒啓玄機雲逐笙歌度星流  
宮殿飛乘風嬉浩蕩窺月弄光輝唯有三山  
鶴應同千載歸

道記開中籙真官表上清焚香三鳥至鍊藥  
九仙成天上靈書下空中妙妓迎迎來出煙  
霧渺渺戲蓬瀛

惠文太子挽歌詞二首

碣館英靈在瑤山美謚尊剪桐悲曩戲攻玉  
愴新恩官仗專馳道朝衣送國門千秋穀門  
外明月照西園

梁國深文雅淮王愛道仙帝歡同宴日神奪  
上賓年旒旒飛行樹帷宮宿野煙指言君愛  
弟揮淚滿山川

韋譙公挽歌二首

五瑞分王國雙珠映后家文飛書上鳳武結

笥中蛇出預榮前馬迴鸞表後車袞衣將錫  
命泉路有光華

國騁雙騏驎庭儀兩鳳凰將星連相位玉樹  
伴金鄉歌舞侯家艷軒裘戚里光安知杜陵  
下碑已相望

右丞相挽歌二首

王宰丹青化春鄉禮樂才緇衣傳舊職華袞  
贈新京路泣群官送山嘶馬迴佳辰無白  
日賓閣有青苔

門歌出野田冠帶寢窮泉萬事皆身外平生  
尚目前西垣紫泥縛東岳白雲篇自惜同聲  
處從今遂絕絃

崔尚書挽詞

相宅龍坤寶承家占海封庭中男執鴈門外  
女乘龍鳴玉遊三省縱金侍九重一朝賓客  
散留劔在青松

右常侍集賢院學士徐公挽詞

才美臨淄北名高淮海東羽儀三省遍漁獵

五車通玉殿孤新榜珠英落舊叢徒懸一寶  
劍何處訪徐公

崔司業挽歌二首

海岱英靈氣膠庠禮樂資風流滿天下人物  
擅京師疾起揚雄賦魂游謝客詩從今好文  
主遺恨不同時  
象設存華館威儀下墓田鳳池傷舊草麟史  
泣遺編帷蓋噓煙沒干旌壠日懸古來埋玉  
樹流恨滿山川

李工部挽歌三首

錦帳為郎日金門待詔時楊官先上賦栢殿  
幾連詩暖息琴歌斷淒涼簫挽悲舡看灞陵  
岸迴首望京師

宅兆西陵上平生雅志從城臨丹闕近山望  
白雲重會葬知元伯看碑識蔡邕無由接神  
理揮涕望青松

常時好賓客永日對絃歌是日歸泉下傷心  
無柰何墓庭人已散祭處鳥來過碑石生苔

蘇榮名豈復多

贈工部尚書馮公挽歌三首

忠鯁難為事平生盡畏途如弦心自直秀木  
勢恒孤詔葬南陵道神遷北斗樞貴門傳萬  
石餘慶在雙珠

爵位題龍旒威儀出鳳城路傍人泣送門外  
馬嘶迎萬事非吾有千悲世是情昔焉稱夏  
日今也謚冬卿  
宵然長夜臺舉世可哀哉泉戶一朝閉松風

四面來石碑填駁蘇珠服聚塵埃誰言遼東  
鶴千年往復迴

徐高御挽歌

蒲密遙千載鳴琴始一追公卿傳世範仁義  
續靈基不待南游祿何先北帝期玉棺從此  
閉金鼎代相欺

節義太子楊妃挽歌二首

西華三公族東闈五可才玉環初受慶金鈇  
反逢災桂殿花空落桐園月自開朝雲將暮

雨長繞望思臺

昔日三朝路透迤四望車繡腰長命綺隱髻  
連枝花今春戾園樹索然無歲華共傷千載  
後惟號一王家

河上公

尊師厭塵去精魄知何形氣不復往弟子  
空傷情濟北神如在淮南藥未成共期終莫  
遂寥落兩無名

奉和同皇太子過荷恩寺二首應制

翼翼宸恩未煌煌福地開離光升寶殿宸氣  
繞香臺上界幡花合中天日月來願君無量  
壽仙藻屢徘徊

朗朗神居峻軒軒瑞象威聖君成願果太子  
拂天衣至樂三靈會深仁四皓歸還聞渦水  
曲更繞白雲飛

張說之集卷第五

張說之集卷第六

五言排律

扈從幸韋嗣立山庄應制

寒灰飛玉琯湯井駐金輿  
既得方明相還尋大隗居  
懸泉珠貫下列帳錦屏舒  
騎遠林逾密笳繁谷自虛  
門旗槩復磴殿幕裏通渠舞  
鳳隨公主雕龍起婕妤  
好地幽天賞洽酒樂御筵  
初非才叨侍從連藻媿應徐

奉和聖製喜雪應制

聖德與天同封巒欲報功詔書期日下靈感  
應時通觸石雲呈瑞含花雪告豐積如沙照  
月散似麵從風舞集仙臺上歌流帝樂中遙  
知百神喜灑路待行宮

奉和聖製暇日游興慶宮作應制

漢武橫汾日周王宴鎬年何如造區夏復此  
睦親賢巢鳳新成閣飛龍舊躍泉棣華歌尚  
在桐葉戲仍傳禁禦氛埃隔平臺景物連聖  
慈良有裕王道固無偏問俗兆人阜觀風五  
教宣獻圖開益地張樂奏鈞天侍酌衢樽滿  
詢藹諫鼓懸詠言形友愛萬國共周旋

奉和聖製寒食作應制

寒食春過半花濃鳥復嬌從來禁火日會接  
清明朝鬪敵鷄殊勝爭毬馬絕調晴空數雲  
點香樹百風搖改木迎新燧封田表舊燒皇  
情愛嘉節傳曲與簫韶

奉和聖製賜崔日知往潞州應制

聖情留曩鎮佳氣翊興王增戟雄都府高車

轉太常川橫八練闕山帶五龍長連帥初恩  
命天人舊紀綱餞塗飛御藻闔境自生光明  
主徵循吏何年下鳳凰

奉和聖製送王峻巡邊應制

六月歌周雅三邊 夏卿欲施攻戰法先作  
簡稽行禮樂知謀帥春秋識用兵一勞堪定  
國萬里即長城策有和戎利威傳破虜名軍  
前雨灑道樓上月臨營別藻瑤華降同衣錦  
榮關山由義近戈甲為恩輕絲竹路傍散  
風雲馬上生朝廷為吉甫邦國望君平

奉和聖製春中興慶宮酺宴應制

千齡逢啓聖萬域共來威慶接郊裡後酺承  
農事稀御樓橫廣路天樂下重闈鸞鳳調歌  
曲虹霓動舞衣合聲雲上聚連步月中歸物  
覩恩無外神和道入微鑄京陪樂飲栢殿奉  
文飛徒竭秋雲影何資春日暉

春晚侍宴探得開字

聖政惟稽古賓門引上才坊因構書立殿為



集賢開旄彥星辰下僊章日月迴字如龍負  
出韻是鳳銜來庭柳餘春駐宮櫻早夏催喜  
承芒閣宴幸奉栢梁杯

奉和聖製花萼樓下宴應制

萬心翹樂宴三舍緩昌時山接夏雲險臺留  
春日遲節移芳未歇興隔賞仍追醉後傳嘉  
惠樓前舞聖慈皇恩與時合天意若人期故  
發前旬雨新垂湛露詩

端午三殿侍宴應制

小暑夏絃應徽音商管初願齊長命縷來續  
大恩餘三殿褰珠箔群言上玉除助陽嘗委  
翫順節進龜魚甘露垂天酒芝花捧御書合  
丹全蠓蛭灰骨共蟾蜍今日傷地意銜珠遂  
闕如

奉和聖製千秋節宴應制

五德生王者千齡啓聖心赤光來照夜黃雲  
上覆晨海縣銜恩久朝章獻壽新高居帝坐  
出夾道衆官陳杖洗清景整管凝秋旻珠

囊含瑞露金鏡抱仙輪何歲無鄉飲何由不  
報神薰歌與名節傳代幸群臣

奉和聖製太行山中言志應制

六龍鳴玉鑿九折步雲端河眷南浮近山輕  
北上難羽儀映松雪戈甲帶春寒百谷晨笳  
動千巖曉仗攢皇心感韶節敷藻念人安既  
立省方館復置建神壇扈蹕參天老承榮忝  
夏官長勤百年意思見一勝殘

奉和聖製爰因巡省途次舊居應制

恣鬱興王郡殷憂啓聖圖周成會西土漢武  
幸南都歲卜鑾輿邁農祠鴈政敷武威稜外  
域文教靡中區警蹕干戈捧朝宗萬玉趨舊  
藩人事革新豐國雄殊壁有真龍畫庭餘鳴  
鳳梧叢觴祝堯壽合鼎獻湯厨陽樂寒初變  
春恩蟄更蘇三者頒命服五稔復田輸君賦  
大風起人歌湛露濡從臣觀玉葉方願紀靈  
符

奉和聖製渡蒲關應制

蒲坂橫臨晉華芝曉望秦關城雄地險橋路  
扼天津樓映行宮日隄含宮樹春黃雲隨寶  
鼎紫氣逐真人東詠唐虞跡西觀周漢塵山  
河非國寶明主愛忠臣

奉和聖製途中經華岳應制

西嶽鎮皇京中峰入太清土鑿重嶺應緹騎  
薄雲迎霽日懸高掌寒空映削成軒游會神  
處漢幸望仙情舊廟青林古新碑綠字生群  
臣封岱還駕勒鴻名

奉和聖製過王濟墓應制

斗牛三分國龍驤一統年智高寧受制風急  
肯迴船有策擒吳詔無言讓范宣援孤因勢  
屈功重爲讒偏舊迹灰塵散枯墳故老傳百  
代逢明主何辭死道邊

奉和聖製聖經河上公廟

河上無名老知非漢代人先探道德要留待  
聖明辰玄妙爲天下清虛用谷神化將和氣  
一用與太初鄰靈廟觀遺像仙歌入至真皇

心齋萬物何處不同塵

奉和聖製幸鳳湯泉應制

周狩因岐禮秦都辨雍名獻禽天子孝存老  
聖皇情溫潤冝冬幸游畋樂歲成湯雲出水  
殿暖氣入山營坎意無私結乾心稱物平帝  
歌流樂府溪谷也增榮

宿直溫泉宮羽林獻詩

冬狩美秦正新豐樂漢行星陳玄武閣月對  
羽林營寒木羅霜仗空山嚮夜更恩深靈液

暖節効古松貞文武皆王事輸心不為名

玄武門侍射并序

開元之初季冬其望天子始御北闕朝羽林  
軍禮修事厥后二日乃命紫微黃門九卿六  
事與熊羆之將瓜牙之臣合宴焉侑以純錦  
頒以珍噐爾其射棚新成布侯旣設槊仗林  
立帷軒霧布衆官半醉皇情載悅卷珠箔臨  
玉除唐弓在手夏箭斯發應弦中屬羽連飛  
弧矢已來未之有也若夫天地合道星辰獻

儀端視和容內正外直自近而制遠耀威而  
觀德無不通神無不極用是射也其惟聖人  
乎于時繁雲覆城大雪飛苑天人同澤上下  
交懽退食懷恩賦詩頌義凡若干篇  
射觀通玄闕兵攔闕御筵彫弧月半上畫的  
暈重圓羿后神幽贊靈王法暗傳貫心精四  
返飲羽妙三聯雪鶴來銜箭星麟下集弦一  
逢軍宴洽萬慶武功宣

扈從南出雀鼠谷

豫動三靈贊時巡四海威  
破關凌曙出平路  
半春歸霍鎮迎雲蓋  
汾河送羽旂  
山南柳半  
密谷北草全稀  
遲日宜華蓋  
和風入夾衣  
上林千里近  
應見百花飛

將赴朔方軍應制

禮樂逢明主  
韜鈴用老臣  
恭憑神武策  
遠御  
鬼方人供帳  
榮恩饒山川  
喜詔巡天文  
日月  
送朝賦管絃  
新幼志傳三  
略衰材謝大  
鈞膽  
猶忠作伴心  
故道爲鄰漢  
保河南地胡  
清塞

北塵連年大軍後不日小康辰劔舞輕離別  
歌酣忘苦辛從來思博望許國不謀身

奉和御製命宴東堂賜詩

大塊鎔群品輕生偶聖時猥承三仕命虛忝  
首僚師右揆謀華碩前星傳重資連騫求舊  
禮濫點樂賢詩賜釜同榮拜縱金宴宰司菊  
花吹御酒蘭葉捧天詞寶曆休明盛頽年畧  
漏衰少留青史筆未敢赤松期

恩賜樂游園宴

漢苑佳遊地軒庭近侍臣共持榮幸日來賞  
艷陽春饌玉頒王篚縱金下帝釣池臺草色  
徧宮觀柳條新花綬光連榻朱顏暢飲醇聖  
朝多樂事天意每隨人

三月二十日詔宴樂游園賦得風字

樂遊形勝地表裏望郊宮北闕連天頂南山  
對掌中皇恩偵芳月旬宴美成功魚戲芙蓉  
水鶯啼楊柳風春花看欲暮天澤戀無窮長  
袖招斜日留光待曲終

洛橋北亭詔餞諸刺史

離亭拂御溝岸曲舞船樓詔餞朝廷牧符分  
海縣憂股肱還入郡父母更臨州扇逐仁風  
轉車隨霖雨流恩光水上溢榮色柳間浮預  
待群方最三公不遠求

嶽州宴姚紹之

并序

姚司馬往在栢臺每欽骨鯁及茲荒服偶得  
官聯復有令弟美胤芬芳襲予山寺外廬幽  
深形勝童冠是集歡言賦詩

杞梓滯江濱光華向日新難兄金作友媚子  
玉為人山水含秋興池亭借善鄰簷松風送  
靜院竹鳥來馴翠竿吹黃菊瑀盤鱸紫鱗緩  
歌將醉舞為拂綉衣塵

溫泉馮劉二監客舍觀妓

溫泉寒林薄王游樂事多佳人蹀駿馬乘月  
夜相過秀色燃紅黛嬌香發綺羅鏡前鸞對  
舞琴裏鳳傳歌妬寵傾新意銜恩奈老何為  
君留上客歡笑歛雙蛾

張說之集卷第六

張說之集卷第七


五言排律

對酒行巴陵作

留侯封萬戶  
園令壽千金  
本為成王業  
初由賦上林  
繁榮安足恃  
霜露逝相尋  
鳥哭楚山外  
猿啼湘水陰  
夢中城闕近  
天畔海雲深  
空對忘憂酒  
離憂不去心

送趙二尚書彥昭北伐

虜地河冰合  
邊城備此時  
兵連紫關路  
將舉





白雲司題劍榮中賞銜珠盛出師日華光組  
練風色焰旌旗投筆尊前起橫戈馬上辭梅  
花吹別引楊柳賦新詩

送趙順直郎中赴安西

絕鎮功難立懸車命匪輕復承遷相後环重  
任賢情將起神僊地才稱禮樂英長心堪繫  
虜短語足論兵日授休明法星教置陣名龍  
泉恩已署燕頤相終成月窟窮天遠河源入  
塞清老夫操別翰承旨頌昇平

送蘇合宮

都邑群芳首商泉萬俗訛變風須愷悌成化  
佇絃歌疇昔珪璋友雍容文雅多振纓遊省  
闈鏘玉宰京河別曲鸞初下行軒雉尚過百  
壺非餞意流詠在人和

送喬安邑備

書閣移年歲文明難復辭歡言冬雪滿恨別  
夏雲滋外尹方爲政高明自不欺老人駉馭  
住童子狎鄒嬉日茂西河俗寂寥東觀期遙

懷秀才令京洛見新詩

送宋休遠之蜀任

求殊友損益行道異窮申綴我平生氣吐贈  
薄游人結恩事明主忍愛遠辭親色麗成都  
俗膏腴蜀水濱如何從宦子堅白共緇磷日  
月千齡旦河山萬旅春懷鈔書瑞府橫草事  
邊塵不及安人吏能令王化淳

嶽州別梁六八朝

遠莅長沙渚欣逢賈誼才江山疲應接風日

復晴開江樹雲間斷湘山水上來近洲朝鷺  
集古戍夜猿哀岼含蒼河蒲秀紫臺月

餘偏地賞心盡故人杯目我違京洛嗟君此  
泝洄容華因別老交舊與年顏夢見長安陌  
朝宗實盛哉

石門別楊六欽望

燕人同竄越萬里自相哀影響無期會江山  
此地來暮年傷汎梗累日慰寒灰潮水東西  
落浮雲西北迴俱看石門遠倚棹兩悲哉

南中送北使二首

傳聞合浦葉曾向洛陽飛何日南風至還隨  
北使歸紅顏渡嶺歇白首對秋衰高歌何由  
見層堂不可違誰憐炎海曲淚盡血沾衣  
待罪居重譯窮愁暮雨秋山臨鬼門路城繞  
瘴江流人事今如此生涯尚可求逢君入鄉  
縣傳我念京周別恨歸途遠離言暮景適夷  
歌翻淚下蘆酒未消愁聞有胡兵急深懷漢  
國羞和親先是詐款塞果為讎釋繫應分爵  
馮唐事皇恩尚可收

伯奴邊見歸田賦因投趙侍御

爾家歎窮鳥吾俗賦歸田莫道榮枯異同嗟  
世網牽黃陵浮泊渚青草會湘川去國逾三  
歲茲山老二年寒鴉鳴舍下昏虎卧籬前客  
淚堪班竹離憂欲贈荃放言久無次觸興感  
成篇

古泉驛

昔聞陳仲子守義辭三公身耕妻織履樂亦在其中豈無窮賤苦羞與傾巧同長白臨河上於陵入濟東我今行至此感歎石泉空

偶遊龍門北溪忽懷驪山別業呈諸

留字

幽谷杜陵邊風煙別幾年偶來伊水曲溪嶂覺依然傍浦憐芳樹尋崖愛綠泉嶺雲隨馬足山鳥向人前地合心俱靜言因理自玄短才叨重寄尸祿媿妨賢每揖掛冠侶思從初服旋稻梁仍欲報歲月坐空指助嶽無纖芥輸溟謝未消還陪北轅去方茲南澗田

奉酌龍門北溪作

石澗泉虛落松崖路曲迴聞君北溪下想像南山隈近念鼎門別遙思雲障陪不同奇構往空覩斯文來歲後寒初變春芳前未開黃蕤裊岸柳紫萼拆春梅盡室茲游翫盈門幾樂哉嗟遊洛陽陌夢詣建章臺野失巢由性朝非元凱才布懷欽遠近幽意日塵埃

酬韋祭酒見贈

聞君湯井至瀟灑，憇郊林拂樹攜清賞。披雲  
靚綠岑，歡言遊覽意。欵曲望歸心，是日期佳  
客。同山忽異尋桃源，花路轉楊柳澗門深。汎  
舟伊水漲，繫馬香樹陰。繁絃弄水族，嬌吹狎  
沙禽。春滿汀色媚，景斜嵐氣懷。仁殊未遠，  
重德匪臨。來藻敷幽思，連詞報所欽。

同劉給事城南宴集

水竹幽深地，簪纓近侍臣。雍容乘暇日，瀟灑

出囂塵。樹對思朋鳥，池深入養鱗。管絃高逐  
吹，歌舞妙含春。老子叨專席，歡遊隔縉紳。此  
中情不淺，遙寄賞心人。

寄許八

萬類春皆樂，徂顏獨不怡。年來人更老，花發  
意先衰。乳雀穿壇畫，巢蜂觸網絲。平生美容  
色，宿昔影中疑。遠道何由夢，同心在者誰。西  
風欲寄語，憫默遂無詞。

却歸在道中作

陳焦心息盡死意不期生何幸光華旦流人  
歸上京愁將網共解眼與代俱明復是三階  
正還逢四海平誰能定禮樂為國著功成

喜渡嶺

東漢興唐曆南河復禹謀寧知瘴癘地生入  
帝皇州雷雨蘇虫蟄春陽放鳥鳩洄沔炎海  
畔登降闡山陬嶺路分中夏川源得上流見  
花便獨笑看草即忘憂自始居重譯天星已  
再周鄉關絕歸望親戚不相求弃杖枯還植  
窮鱗涸更浮道清黃鶴去運啓白駒留江妾  
晨炊黍津童夜濯舟盛明良可遇莫後洛城  
遊

清遠江峽山寺此

流落經荒外逍遙此梵宮雲峰吐月白石壁  
淡煙紅寶塔靈仙湧懸龕造化功天香涵竹  
氣虛唄引松風簷牖飛花入房廊激水通猿  
鳴知山靜魚戲辨江空靜默將何貴所貴心  
鏡同

相州冬日早衙

城外宵鍾歛閨中曙火殘朝光曜庭雪宿凍  
聚池寒正色臨廳事疑詞定筆端除苛囹圄  
息伐枳吏人寬河內功猶淺淮陽疾未安鏡  
中星髮變頓使世情闌

岳州作

水國生秋草離居再及瓜山川臨洞穴風日  
望長沙物土南州異關河北信賒日昏聞  
鳥地熱見修蛇遠人夢歸路瘦馬嘶去家正

有江潭月徘徊戀九華

嶽州西城

水國何遼曠風波遂極天西江三紀合南浦  
二湖連危堞臨清境煩憂斲豁然九圍觀掌  
內萬象閱眸前日去長沙渚山橫雲夢田汀  
葭變秋色津樹入寒煙潛穴探靈詭浮生揖  
聖仙至人今不見跡滅事空傳

游洞庭湖

平湖曉望分仙嶠氣氛氲鼓枻乘清渚尋峯

弄白雲江寒天一色日靜水重紋樹坐叅猿  
嘯沙行入鷺群緣源班篠密骨徑綠蘿紛洞  
穴傳虛應楓林覺自薰雙童有靈樂願取獻  
明君

別滄湖

念別滄湖去浮舟更一臨千峰出浪險萬木  
抱煙深南郡延恩渥東山戀宿心露花香欲  
醉時鳥轉餘音涉趣皆留賞無竒不遍尋莫  
言山水間幽意在鳴琴

巴丘春作

日出洞庭水春山掛斷霞江岑相映發卉木  
共紛華湘戍南浮閣荆關北望賒湖陰窺魍  
魎丘勢辨巴蛇島戶巢爲館漁人艇作家自  
憐心問景三歲客長沙

春雨早雷

東北春風至飄飄帶雨來拂黃先變柳點素  
早驚梅樹藹懸書閣煙含作賦臺河魚未上  
凍江蟄已聞雷美人宵夢著金屏曙不開無



緣一啓齒空酌萬年杯

聞雨

窮冬萬化匝永夜百憂攢危戍臨江火空齋  
入雨寒斷猿知屢別嘶馬覺虛彈心對爐灰  
死顏隨庭樹殘舊恩懷未報頃瞻鏡中看

嶽州夜坐

炎洲苦三伏未日卧孤城賴此閑庭夜蕭條  
夜月明獨歌還太息幽感見餘聲江近鶴時  
叫山深猿屢鳴自心觀有欲棄知返無名五  
十知天命吾其達生此

嶽州觀覽渡

盡作飛鳧艇雙雙競拂流低裝山色變急棹  
水華浮土尚三閭俗江傳二女遊齊歌迎孟  
姥獨舞送陽侯鼓發南湖差標爭西驛樓並  
驅恒託速非畏日光酋

張說之集卷第八

七言律詩

侍宴隆慶池應制

靈池月滿直城隄  
黻帳天臨御路開  
東沼初陽疑吐出  
南山曉翠若浮來  
魚龍百戲分容  
與鳧鷖雙舟較  
斥水願似金堤  
青草馥長承  
瑤水白雲

奉和聖製  
甘泉望春宮應制

上苑東飛花澹蕩  
御筵紅城臨渭

水天河靜闕對南山雨露通統殿流鸞凡幾  
樹當蹊亂蝶許多叢春園既醉心和樂共識  
皇恩造化同

先天應令

三陽麗景早芳辰四序嘉園物候新梅花百  
般障路垂柳千條暗迴津鳥驚真為飛風  
葉魚躍都由怯岸人唯願聖主南山壽何愁  
不賞萬年春

奉和聖製春日出苑應制

禁林艷裔發春陽春望逍遙出畫堂雨洗亭  
臯千畝綠風吹梅李一園香鶴飛不去隨青  
管魚躍翻來入綵航睿賞歡承天保定道文  
更覩日重光

扈從溫泉宮獻詩

溫泉啓蟄地氛氲渭浦歸鴻日數群騎仗聯  
聯環北極鳴笳步步引南薰松間彩殿籠佳  
氣山上朱旗繞瑞雲不知遠夢華胥國何如  
親奉帝堯君

三月三日詔宴定昆池官莊賦得筵  
字

鳳凰樓下對天泉  
鸚鵡洲中匝管絃  
舊識平陽佳麗地  
今逢上巳盛明年  
舟將水動千尋日  
幕共林橫兩岸煙  
不降王人觀襍飲  
誰令醉舞拂賓筵

同趙侍御巴陵早春作

江上春來早可觀  
巧將春物妬餘寒  
水苔共繞留石花  
鳥爭開闢鴨欄  
佩勝芳辰日漸

暖燃燈美夜月初圓  
意隨北鴈雲飛去  
待南州蕙草殘

遙同蔡起居偃松篇

清都衆木總榮紛  
傳道孤松最出群  
名接天庭光景氣  
連宮闕借氛氲  
懸池的的停華露  
偃蓋重重拂瑞雲  
不惜流膏助仙鼎  
願將楨幹奉明君  
莫比冥靈楚南樹  
朽老江邊代不聞

幽州新歲作

去歲荆南梅似雪今春薊北雪如梅共知人  
事何常定且喜年華去復來邊鎮戍歌連夜  
動京城燎火徹明開遙遙西向長安日願上  
南山壽一杯

贈崔二安平公樂世詞一首

十五紅粧侍綺樓朝承握槊夜藏鈎君臣一  
意金門寵兄弟雙飛玉殿游寧知宿昔恩華  
樂變化瀟湘離別愁地濕莓苔生舞袖江聲  
怨歎入箜篌自憐京北雙眉撫會待南來五

馬留

舞馬千秋萬歲樂府詞三首

金天誕聖千秋節玉醴還分萬壽觴試聽紫  
騮歌樂府何如騶驥舞華觴連騫勢出魚龍  
變躩蹠驕生鳥獸行歲歲相傳 樹日翩翩  
來伴慶雲翔

聖皇至德與天齊天馬來儀自海西腕足徐  
行拜兩膝繁驕不進踏千蹄鬃鬣奮鬣時踣  
踏鼓怒驤身忽上躋更有銜杯終宴曲垂頭

掉尾醉如泥

遠聽明君愛逸才  
玉鞭金翅引龍媒  
不因茲白人間有定是飛黃  
天上來影弄日華相照  
耀噴含雲色且徘徊  
莫言闕下桃花舞別有  
河中蘭葉開

五言絕句

奉和聖製潼關口號應制

天德平無外  
關門東復西  
不將千里隔  
何用一九泥

清夜酌

秋陰士多感  
雨息夜無塵  
清罇宜明月  
復有平生人

醉中作

醉后樂  
彌勝未醉時  
動容皆是舞  
出語

揔成詩

送梁知微渡海東

今日此相送  
明年此相待  
天上客星迴  
知君渡東海

寄劉道士烏江

真人紫絳氣邀我丹田宮  
遠寄雙飛鳥飛鳥不礙空

谷香能和尚塔

大師捐世去空餘法力在  
遠寄無礙香心隨到南海

被使在蜀

即今三伏盡尚自在臨邛  
歸途千里外秋月定相逢

正朝摘梅

蜀地寒猶暖正朝發早梅  
偏驚萬里客已復一年來

蜀道後期

客心爭日月來往預期程  
秋風不相待先至洛陽城

廣州江中作

去國歲方晏愁心轉不堪  
離人與江水終日向西南

江中誦經

實相歸懸解虛心暗在通澄江明月內應是  
色成空

江中遇黃領子劉隆

危石江中起孤雲嶺上還相逢皆得意何處  
是鄉關

欽州守歲

故歲今宵盡新年明旦來愁心隨斗柄東北  
望春迴

岳州守歲二首

夜風吹醉舞庭戶對酣歌愁逐前年少歡迎  
今歲多  
桃枝堪辟惡爆竹好驚眠歌舞留今夕猶言  
惜舊年

元朝

元日今歲樂不謝往年春智向來心道誰為  
昨夜人

耗磨日飲



耗磨傳茲日縱橫道未宜但令不忘醉翻是  
樂無爲

九日進茱萸山詩五首

家居洛陽下舉目見嵩山  
作茱萸節情生

造化問

黃花宜汎酒青嶽好登高稽首明廷內心爲

天下勞

菊酒携山客萸囊繫牧童路疑隨大塊心似

問鴻蒙

九日重陽數三秋萬實成時來謁軒后罷去

坐蓬瀛

晚節歡重九高山上五千醉中知遇聖夢裏

見尋仙

看黃葉

白首看黃葉徂顏復幾何空慙棠樹下不見

政成歌

傷妓入董氏四首

董氏嬌饒性多爲窈窕名人隨秋月落韻入

擣衣聲

粉藥粘粧籠金花  
喝翠條夜臺無戲伴  
魂影向誰嬌

舊亭紅粉閣宿處  
白雲關春日雙飛去  
秋風獨不還

舞席沾殘粉歌梁委  
舊塵獨傷窓裏月不  
見帳中人

六言

破陳樂詞二首

漢兵出頓金徽照日  
光明鐵衣百里火燔  
焰千行雲騎駢駢  
蹙踏遼河自竭鼓譟  
燕山可飛正屬西方  
朝駕端知萬舞皇威  
少年膽氣凌雲共許  
驍雄出群疋馬城西  
挑戰單刀薊北從軍  
一鼓鮮卑送款五餌  
單于解紛誓欲成名  
報國羞將開口論勲

舞馬詞六首

萬王朝宗鳳宸千金  
率舞龍媒眇鼓凝驕  
蹶蹶聽歌弄影徘徊

天鹿迺徵衛叔日龍上借羲和將共兩駮爭  
舞東隨八駿齊歌

綵旄八佾成行時龍五色因方屈膝啣杯赴  
節傾心獻壽無疆

帝皂龍駒沛艾星蘭驥子權竒騰倚驤洋應  
節繁驕接迹不移

二聖先天合德群靈率土可封繁石駮驪紫  
燕縱金願步蒼龍

聖君出震應籙神馬浮河獻圖足踏天庭鼓

舞心將帝樂踟躕

七言絕句

侍宴臨渭亭應制

青郊上巳艷陽年紫禁皇遊楔渭川幸得歡  
娛承湛露心同草樹樂春天

桃花園上馬

林間艷色驕天馬苑裏濃粧伴麗人願逐南  
風飛帝席年年含笑舞青春

奉和聖製同玉真公主遊大哥山池

題石壁

池如明鏡月華開  
山學香爐雲氣來  
神藻飛為鶴  
鷓賦仙聲颺  
出鳳凰臺

舟中和蕭令潭字

暮春三月日重三  
春水桃花滿襍潭  
廣樂逶迤天上下  
山舟搖衍鏡中酣

送梁六自洞庭山作

巴陵一望洞庭秋  
日見孤峰水上浮  
聞道神仙不可接  
心隨湖水共悠悠

同趙侍御望歸舟

山亭迥迥面長川  
江樹重重極遠煙  
形影相追高翥鳥  
心腸併斷北飛船

襄陽路逢寒食

去年寒食洞庭波  
今年寒食襄陽路  
不辭着處尋山水  
祇畏還家落春暮

十五日夜御前口號踏歌詞二首

花萼樓前雨露新  
長安城裏太平人  
龍銜火樹千燈艷  
雞上蓮花萬樹春

帝宮三五戲春臺行雨流風莫妬來西域燈  
輪千影合東華金闕萬重開

蘇摩遮五首

摩遮本出海西胡琉璃寶服紫髯鬢聞道皇  
恩遍宇宙來將歌舞助歡娛

繡裝怕額寶花冠夷歌騎舞借人看自能激  
水成陰氣不慮今年寒不寒  
臘月凝陰積帝臺齊歌急鼓送寒來油囊取  
得天河水將添萬壽萬年杯

寒氣宜人最可憐故將寒水散庭前惟願聖  
君無限壽長取新年續舊年  
昭成皇后之家親榮樂諸人不比人往日霜  
前花委地今年雪後樹逢春

Large stylized watermark or seal impression, possibly reading '圖書' (Library/Book).

銅圖齋

湖山齋  
陳大猷  
印

卷之六

